



**Broj: 02-50-1-16-30/09  
Sarajevo, 16. 6. 2009.**

**ZAPISNIK  
30. sjednice Doma naroda  
Parlamentarne skupštine Bosne i Hercegovine,  
održane 15. 6. 2009. godine**

Sjednica je počela u 10,13 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine BiH.

Sjednici je prisustvovalo 15 delegata.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija i sredstava javnog informiranja.

Dom naroda usvojio je sljedeći

**DNEVNI RED**

1. Odgovori na delegatska pitanja i delegatska pitanja;
2. Usvajanje Zapisnika 29. sjednice Doma naroda;
3. Zahtjev Vijeća ministara BiH za razmatranje Prijedloga zakona o kontroli kretanja oružja i vojne opreme po hitnom postupku, u skladu s članom 122. Poslovnika Doma naroda;
4. Zahtjev Vijeća ministara BiH za razmatranje Prijedloga zakona o međunarodnoj pravnoj pomoći u krivičnim stvarima po hitnom postupku, u skladu s članom 122. Poslovnika Doma naroda;
5. Zahtjev Vijeća ministara BiH za razmatranje Prijedloga zakona o graničnoj kontroli po hitnom postupku, u skladu s članom 122. Poslovnika Doma naroda;
6. Zahtjev Vijeća ministara BiH za razmatranje Prijedloga zakona o sprečavanju pranja novca i finansiranja terorističkih aktivnosti po hitnom postupku, u skladu s članom 122. Poslovnika Doma naroda;
7. Prijedlog zakona o zabrani diskriminacije (prvo čitanje), predlagač: Vijeće ministara BiH;
8. Prijedlog zakona o akcizama BiH (prvo čitanje), predlagač: Vijeće ministara BiH, po skraćenom postupku.

**Ad. 1. Odgovori na delegatska pitanja i delegatska pitanja**

Odgovore na delegatska pitanja dobili su: Dušanka Majkić na pitanje postavljeno na 27. sjednici Doma,

Adem Ibrahimpašić na pitanje postavljeno na 24. i na 29. sjednici Doma,

Hilmo Neimarlija na pitanje postavljeno na 24. sjednici Doma.

Delegat Dušanka Majkić izjasnila se da je nezadovoljna odgovorom dobivenim na pitanje postavljeno na 27. sjednici.

Delegat Adem Ibrahimpašić izjasnio se da je nezadovoljan dobivenim odgovorima na oba postavljena pitanja.

Delegat Hilmo Neimarlija također se izjasnio da nije zadovoljan dobivenim odgovorom.

**Delegat Hilmo Neimarlija** postavio je sljedeće pitanje Vladi Republike Srpske, ministru pravde:

“Prije 13 godina i šest mjeseci potpisan je Opći okvirni sporazum za mir u Bosni i Hercegovini. Po članu II. Aneksa 4 i članu I. Aneksa 7 Sporazuma, Bosna i Hercegovina i oba entiteta treba da osiguraju međunarodno priznata prava i slobode za sva lica u Bosni i Hercegovini, da sva lica budu slobodna od diskriminacije po bilo kojem osnovu, kao što su: spol, rasa, boja, jezik, vjera, političko i drugo mišljenje, nacionalno i društveno porijeklo, povezanost s nacionalnom manjinom, vlasništvo, rođenje ili drugi status, i da sva lica koja su izbjegla i raseljena imaju pravo da se slobodno vrate u svoje domove te da imaju pravo na povrat imovine. Kada će vlasti Republike Srpske osigurati međunarodno priznata prava i slobode za Fatu Orlović iz Konjević Polja, okončati diskriminaciju ovog lica zato što je Bošnjakinja i muslimanka, omogućiti njen slobodan povratak u vlastiti dom i vratiti njenu imovinu”.

**Delegat Dušanka Majkić** postavila je sljedeće pitanje Ministarstvu odbrane BiH:

Zaključkom Vlade Republike Srpske, broj 04/1-012-53/07, od 18.1.2007., Arhiv Republike Srpske trebalo je da (po ugledu na rješenje u FBiH) preuzme arhivu prijašnjeg Ministarstva odbrane Republike Srpske i vojske Republike Srpske koja potiče iz perioda 1992.-2007. godine **a koja neće služiti za potrebe OSBiH**. Kako to do danas nije učinjeno zbog različitog tumačenja odredbi **Sporazuma o konačnom raspolaganju svim pravima i obavezama na pokretnoj imovini koja će i dalje služiti za potrebe odbrane**, molim Ministarstvo odbrane BiH da mi odgovori **kada će ta arhiva biti stavljena na raspolaganje Arhivu Republike Srpske**.

## **Ad. 2. Usvajanje Zapisnika 29. sjednice Doma naroda**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Zapisnik 29. sjednice Doma naroda Parlamentarne Skupštine BiH.

## **Ad. 3. Zahtjev Vijeća ministara BiH za razmatranje Prijedloga zakona o kontroli kretanja oružja i vojne opreme po hitnom postupku, u skladu s članom 122. Poslovnika Doma naroda**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Slobodan Šaraba, Božo Rajić, Drago Ljubičić, Hazim Rančić, Branko Zrno i Sulejman Tihić.

Dom naroda je, s 14 glasova „za“ i jednim „suzdržanim“ glasom, usvojio zahtjev Vijeća ministara BiH za razmatranje Prijedloga zakona o kontroli kretanja oružja i vojne opreme po hitnom postupku, nakon čega je Zakon jednoglasno usvojen.

**Ad. 4. Zahtjev Vijeća ministara BiH za razmatranje Prijedloga zakona o međunarodnoj pravnoj pomoći u krivičnim stvarima po hitnom postupku, u skladu s članom 122. Poslovnika Doma naroda**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovala Dušanka Majkić.

Dom naroda je, s 14 glasova „za“ i jednim „suzdržanim“ glasom, usvojio zahtjev Vijeća ministara BiH za razmatranje Prijedloga zakona o međunarodnoj pravnoj pomoći u krivičnim stvarima po hitnom postupku nakon čega je Zakon jednoglasno usvojen.

**Ad. 5. Zahtjev Vijeća ministara BiH za razmatranje Prijedloga zakona o graničnoj kontroli po hitnom postupku, u skladu s članom 122. Poslovnika Doma naroda**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovala Dušanka Majkić.

Dom naroda je, s 14 glasova „za“ i jednim „suzdržanim“ glasom, usvojio zahtjev Vijeća ministara BiH za razmatranje Prijedloga zakona o graničnoj kontroli po hitnom postupku, nakon čega je Zakon jednoglasno usvojen.

**Ad. 6. Zahtjev Vijeća ministara BiH za razmatranje Prijedloga zakona o sprečavanju pranja novca i finansiranja terorističkih aktivnosti po hitnom postupku, u skladu s članom 122. Poslovnika Doma naroda**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 14 glasova „za“ i jednim „suzdržanim“ glasom, usvojio zahtjev Vijeća ministara BiH za razmatranje Prijedloga zakona o sprečavanju pranja novca i finansiranja terorističkih aktivnosti po hitnom postupku nakon čega je Zakon jednoglasno usvojen.

**Ad. 7. Prijedlog zakona o zabrani diskriminacije (prvo čitanje), predlažać: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Slobodan Šaraba, Zoran Koprivica, Branko Zrno, Božo Rajić, Alma Čolo, Hazim Rančić, Ivo Miro Jović, Hilmo Neimarlija i predstavnik predlažača Safet Halilović.

Dom naroda jednoglasno je usvojio u prvom čitanju Prijedlog zakona o zabrani diskriminacije.

**Ad. 8. Prijedlog zakona o akcizama BiH (prvo čitanje), predlažać: Vijeće ministara BiH, po skraćenom postupku**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Mladen Ivanić, Adem Ibrahimpašić, Ivo Miro Jović, Slobodan Šaraba i predstavnik predlažača Ranko Šakota.

Dom naroda je, s 13 glasova „za“, jednim glasom „protiv“ i jednim „suzdržanim“ glasom, usvojio u prvom čitanju Prijedlog zakona o akcizama BiH sa sljedećim zaključkom:

„Komisija za finansije i budžet Doma naroda predlaže Domu naroda Parlamentarne skupštine BiH da amandmanska faza traje 24 sata od dana usvajanja Prijedloga zakona o akcizama u BiH u prvom čitanju“.

Sjednica je završena u 12, 05 sati.

Sastavni dio ovog zapisnika je neautorizirani transkript 30. sjednice Doma naroda.

**SEKRETAR**  
**DOMA NARODA**  
Marin Vukoja, s.r

**PREDSJEDAVAJUĆI**  
**DOMA NARODA**  
Ilija Filipović, dipl. iur., s.r.